



INFORMATIVNI BILTEN

**BRIGADE TAKTIČKE
PODRŠKE OSBiH**

**Broj 1
Februar 2011.**

Brigada taktičke podrške je najkompleksnija brigada OS BiH, formacijski je najmnogoljudnija i u cijeloj svojoj strukturi multietnična, specijalistički najzahtjevnija i lokacijski najrasprostranjenija širom Bosne i Hercegovine. Njena posebna specifičnost je u tome što je Brigada taktičke podrške nosilac šest rodova OS BiH, a i sedmi je kroz vojnu policiju kao elitnu pješadijsku jedinicu itekako zastupljen. Ovakva struktura iziskuje vrlo senzibilan, stručan i krajnje profesionalan pristup planiranju, organizaciji, a posebno obuci.

Interni informativni bilten pripadnika Brigade taktičke podrške



ZAVRŠENO 51. SVJETSKO VOJNO SKIJAŠKO PRVENSTVO PRIJATELJSTVOM KROZ SPORT

Oružane snage BiH bile su domaćin 51. Vojnog svjetskog skijaškog prvenstva na olimpijskim planinama Jahorini, Igmanu i Bjelašnici od 21.-26.02.2011. Ovo značajno vojno prvenstvo održano je pod okriljem CISM – Međunarodna vojna sportska asocijacija, koja broji 133 zemlje članice iz Europe, Afrike, Azije i Amerike. CISM-ina organizacija svjetskih vojnih prvenstava ima za cilj promociju sportskih aktivnosti i fizičke edukacije među pripadnicima oružanih snaga kao sredstvo jačanja mira u svijetu. Ovaj ideal se ostvaruje kroz moto CISM-e *“Prijateljstvom kroz sport”*. Organizacija 51. Vojnog svjetskog skijaškog prvenstva dodijeljena je OS BiH na 64. Generalnom kongresu CISM-a u mjesecu maju 2009. u Surinamu.


Takmičenja su održana u četiri alpske i nordijske discipline u obje konkurencije. Na Jahorini na lokaciji Dvorišta održana su takmičenja u disciplinama biatlon za muškarce i žene, te vojničkoj disciplini patrolno trčanje. Na igmanskom Velikom polju održana su takmičenja u nordijskom skijanju na 10 i 15 km, dok su na Bjelašnici održane trke u veleslalomu.

Kada su u pitanju pripreme ovog prvenstva posebno značajan angažman imali su pripadnici i jedinice Brigade taktičke podrške a zbog njenog vrlo specifičnog organizacijsko-formacijskog uređenja. Sa pripremama se započelo još prije 2 godine angažovanjem inženjerskih jedinica koje su zaslužne za odlično infrastrukturno uređenje i pripremu lokacija za organizaciju i održavanje 51. SVPS, pri čemu su bila angažovana 33 različita inženjerska sredstva. Kada je u pitanju telekomunikacijska podrška angažovani su bili svi kapaciteti brTP od Odsjeka za komunikacije i informatiku brTP, preko Voda veze brTP pa sve do punog učešća Bataljona veze brTP. Niti jedna važna aktivnost MO BiH i Oružanih snaga BiH, pa ni ova ne može biti realizirana bez punog, i ljudskog i materijalnog, angažovanja Bataljona vojne policije. Njihova zadaća je, osim zadataka jedinica vojne policije – stalnog osiguranja, pratnji i KD pregleda, podrazumjevala učešće Počasne jedinice OS BiH i Orkestra OS BiH. Da smo postigli svoj cilj govore lijepe impresije naših gostiju, o čmu možete više pročitati na web portalu CISM: www.cism-milспорт.org



Obuka oficira i podoficira čete ABHO

U kasarni VB Dubrave počela je II faza obuke za oficire i podoficire čete ABHO, a koju izvodi mješoviti tim EUFOR-a (instruktori iz austrijskih i poljskih oružanih snaga). Obuka je planirana kroz 5 modula. Trenutno se izvodi I modul u kojem su polaznicima predstavljena sredstva ABHO i njihovo korištenje, te kroz praktični dio biće prezentirana taktička upotreba odjeljenja za izviđanje i dekontaminaciju. Kroz ostale module tim EUFOR-a prezentirat će teme o taktičkoj upotrebi jedinica ABHO po NATO STANAG-u. Zavšetak obuke planiran je u mjesecu maju, a uspješnim polaznicima bit će uručeni certifikati.



Deminerski bataljon brTP

CIKLUS 02/11

Deminerski timovi u februaru 2011. (Ciklus 2/11) izvršile su deminiranje 5348m² minirane površine zemljišta, sa šest manuelnih timova u tri općine: Trebinje, Ljubinje i Čapljina. Tokom ovih deminerskih operacija nije bilo pronađenih minsko-eksplozivnih sredstava i NUS-a.

Plan PMA za 2011. Planirano je deminiranje na 47 deminerskih projekata i 9 rezervnih projekata. Planirana površina deminiranja je 2.526.775 m² što će biti realizovano sa: 16 manuelnih deminerskih timova, 1 manuelnim deminerskim timom za deminiranje vojnih objekata, 9 timova sa psima za otkrivanje eksploziva i 6 timova za mehaničku pripremu zemljišta.

OBUKA

U kasarni „A. Lj.-Šutak“ počela je specijalistička obuka za tehničare NUS-a. Polaznike ove obuke čini 19 pripadnika Čete za NUS od kojih su 15 novoprimitljeni vojnici. Osnovni kurs realizira se u dvije faze. Prvi dio je teoretski dok drugi dio sadržava praktični dio masovnih uništenja NUS-a. Uspješno završenim polaznicima bit će dodijeljeni certifikati EOD nivoa 1, nakon čega će biti uključeni u redovne zadatke kao što su Projekat uništenja nestabilne municije i MES-a, Uništenje zaostalih MES-va nakon uništenja b/g na poligonima OS BiH i drugim aktivnostima vezanim za uništenje NUS-a.

Povodom završetka PMA za 2010.

dodijeljene su slijedeće stimulativne mjere:

Iz nadležnosti Ministarstva odbrane BiH

- *Pismena pohvala*
 - Maj. Rodoljub Manigoda

Iz nadležnosti Zajedničkog štaba OS BiH

- *Pismene pohvale* –
 - Vod. Enver Bunar
 - Kapl. Senad Spahić
 - Maj. Vladimir Bojić

Iz nadležnosti Operativne komande OS BiH

- *Pismene pohvale* –
 - Ppor. Željko Ivandić
 - St.vod. Milan Pepić
 - Kapl. Zoran Komlen
 - Kapl. Avludin Spahić
 - Kapl. Akif Šahinović

Iz nadležnosti Komandanta Brigade taktičke podrške

- *Pismene pohvale* –
 - St.vod. Dragan Soldo
 - St.vod. Zoran Pavlović
 - Kapl. Asim Kržalić
 - Kapl. Dušan Mitrović
 - Voj. I kl. Sadik Osmanović



ZAVRŠENA OBUKA PRIPADNIKA INŽINJERIJSKOG BATALJONA



Pripadnici inženjerijskog bataljona uspješno su završili obuku koju je s njima izvodio austrijski mobilni trening tim EUFOR-a.



Primarni cilj bila je obuka mladih oficira i podoficira, i njihovo osposobljavanje da djeluju kao inženjerijski instruktori u svojim jedinicama, te da na jedan profesionalan i kvalitetan način prenesu svoje znanje i obuče ostale pripadnike ove jedinice za realizaciju jednog od osnovnih zadataka OS BiH - pomoć civilnom stanovništvu u slučaju prirodnih katastrofa. Ovak veoma zahtjevan training uključivao je i teoretsku i terensku obuku. Realizirane su dva modula. Prvi modul odnosio se na „Obuku u vojnom rukovođenju“, dok je drugi modul bio više terenski i uključivao je teme iz oblasti „Traganje i spašavanje u slučajevima katastrofama“.



Veoma uspješno ovu obuku završilo je 20 pripadnika inženjerijskog bataljona i za neke od njih postoji otvorena mogućnost da se upute na daljnje usavršavanje u Austriju.



ODSJEK ZA CIVILNO-VOJNU SARADNJU – BRIGADA TAKTIČKE PODRŠKE OS BiH

Kasarna „Rajlovac OS BiH“, Rajlovac bb, 71000 Sarajevo, telefon: 033/773-425;
e-mail: informisanjebrtp@gmail.com; web: www.mod.gov.ba